

重刊清平縣志

重刊清平縣志

卷二
祭譜暨義舉
公業附

清平縣志

人民

人物

清平理學如孫淮海韜畧如石希尹尙矣餘或以忠
孝著以文學稱以行誼傳並以頤壽隱逸見勻郡屬
推人物藪者以清邑爲最今分類登之俾後人有所
觀法焉

名宦

明

孔鏞字昭文山東人至聖裔天順甲戌進士成化時

界元卷三
一
巡撫貴州有清平縣苗阿溪者桀驁多智有養子
阿刺弩力絕倫兩人相資橫行夷落歲賂上官以
肆其毒鏞至廉得其狀用指揮王通計擒而磔之
一境以寧

王來慈谿人景泰元年辰沅靖三州及平越諸苗叛
苗長韋同烈據清平香爐山爲梗大肆劫掠命來
以都御史總督軍務及保定伯梁瑤帥師討之所
至賊皆迎降遂進攻香爐山擒韋同烈等送京師
餘黨悉平民爲立平蠻碑

鄒文盛字時鳴公安人宏治癸丑進士正德十一年

漢文皇帝行嘉公安人太台正族士五節十一
論

王公貴臣利權張九音節山滿章以
以各職定國管軍符兵別武計果紅相
古以事同然難節平省制由急賦十
一謝以立

國保以代論西人師資節行
以財計用節平

巡撫貴州時清平衛苗阿榜等據香爐山以叛焚劫興隆偏橋等處道路梗塞上命文盛合湖廣兵剿之破其寨俘阿榜等遂進剿黑苗擒其魁阿茲捷聞降璽書獎諭慰官戶部尙書卒諡莊簡

周廷用字子賢華容人正德辛未進士巡按貴州值香爐山苗叛與巡撫鄒文盛討平之後爲監司才氣豪岸言事不避權要以正直稱

蔡潮字巨源臨海人正德十一年參議貴州時苗賊據香爐山叛出沒抄掠聲言奪清平城潮計此衛不保全省之勢橫決矣遂留鎮撫告吏民曰去與

守等死耳守猶百全一吏民感悟願効死乃修堞
柵繕器械儲芻糧頃之賊突至圍城三匝湖堅壁
力拒羈賊力少惰出兵擾之急則入保軍士死傷
者親歷其門吊其孤嫠以故士益奮賊不得利引
去已去復來如是者二年而城卒不陷又踰年鄒
文盛督兵進剿湖嶺左右二壘斬馘之功居多清
平人尸祝焉潮在貴州凡八九年以讒不預政者
居半所至進諸生講明經史嘯咏自得歷官河南
右布政

李澹濟甯人監生宣德八年任貴州僉事正統二年

遷副使先是諸郡衛強半無學濬疏請廣建之教化一新

羅瑤字國華巴陵人進士萬曆二年以副都御史巡撫貴州時清平城垣傾圮苗賊入劫居民患之疏請發帑銀五千三百餘兩委員監修一時賴以安輯

傅順孫昆明人萬曆十年以御史巡按貴州公正廉惠時清平軍士消耗疏請增募站夫二百餘名以濟夫役

王聘賢號金陽通海人萬曆三十九年以副使分守

清平時苗賊猖獗嘯聚官道一月之間劫掠官民客商恒十餘次大道阻絕公至捕獲渠魁置之法賊始歛跡邑夫馬浩繁軍民疲累公創爲平儷之法酌道里遠近計差給銀民困始蘇爲立坊日甘棠遺愛

王杏奉化人嘉靖十三年巡按貴州性嚴毅摘伏如神大猾歛手貴州鄉試原附雲南道里艱阻杏奏請開科於本省從之又捐置清平學田

嚴清雲南後衛人嘉靖甲辰進士萬曆三年巡撫貴州清介不少貶疏請守廵分駐地方卒爲定制尤

加意庠序增設廩餼多惠政歷官吏部尙書卒諡

恭肅

鄧廷瓚字宗器巴陵人景泰五年進士成化十年初

設程番府舉瓚異等出守時芳草昧瓚以清淨治

之蠻民悉奉約束城郭廨舍以次興作居程番九

年四境晏如遷山東參政宏治二年貴州黑苗叛

勅廷瓚爲巡撫提督軍務號令嚴明將校用命擒

賊首平之疏請更張爲保境安民之計設都勻府

獨山州麻哈州清平縣官至左都御史卒諡襄敏

凌瑄歙縣人萬曆五年任提督副使嚴氣正性世罕

其倫教士專主文行忠信四字學者奉爲山斗每晨起必冠服禮聖像乃出視事寒燠不輟清平

聖廟捐資修理之歷官陝西按察使

何振清江衛千戶果毅有才畧正統間香爐山苗叛振親至其巢曉諭之逆苗執之色不變徐諭以利害苗眾震懾尋送歸

郭子章字相奎號青螺泰和人隆慶辛未進士萬曆二十七年巡撫貴州歷十年悉知民隱凡所設施利澤以大允善獎士類經品題者率成名宿著黔記六十卷建孫文恭公祠先是播酋楊應龍作亂

王師屢征不克天子拊髀廷臣交薦子章匹馬入
黔增兵餉扼要害立賞格士氣百倍興師百餘日
擒楊應龍誅之播州平始經理播州爲平越等郡
縣未幾忽有皮林之役功與播州等黔人戴恩建
生祠七所三十五年陳情終養疏九上始得請

毛勝京師人景泰間充副總兵率兵征香爐山苗韋
同烈功封南甯伯卒贈侯諡忠莊

梁瑤汝陽人景泰間充平蠻將軍兼征香爐山苗有
功進封侯

張應期號惟岷鎮遠縣人以明經任清平衛教授天

鼎志卷三
啓間甕壩諸苗叛應期佐副將胡從儀屢出奇計
剿平之攝縣篆愛民課士政皆可觀居鄉方正樂
易有君子之稱

司鐸河南人清平指揮洪武二十四年開設衛治置
公署築城壘卓有能聲

石宣壽光人洪武二十五年調清平指揮夙嗜讀捐
地建學儲育人才廉平有威兵民咸服之事嫡母
賈生母章以孝稱

張君盛桐城人推官崇正十二年駐鎮清平時文德
有妖僧假稱活佛倡九股苗作亂破凱里重安圍

清平公亟請省營副總兵張才楊得勝等赴清鎮之邑故多紳士公步登其門乞各輸米以贍兵於是士馬騰躍會妖僧拒戰公率兵以炮擊斃之三日圍解民獲安

劉啟周西充人博學宏詞每下筆千言立就清介慈惠不徇私不妄取遇艱鉅毅然任之暇則論道談經諸生課藝精加品隲且平時調濟甚有從而婚配之者其愛才造士類如此歷任五年遷長沙邑人攀轅涕泣

謝興之安福人性平易禮賢愛士百姓疾苦嗔咻撫

摩之不動聲色時苗賊剽掠郊關公集鄉勇演武
場躬爲訓練一時賴以保障

蕭一傑任清平值夫役浩繁公領僱募官銀至不折
封呼里甲共視之曰朝廷不肯空勞百姓給予腳
價在此每夫一名腳價二錢三分倉米四升我若
上負君恩下欺百姓少有刻減上天鑒之以故夫
沾實惠口碑至今不絕

王用霖任清平值水西之亂晝夜巡警力守城池馭
差卒甚嚴不許下鄉實心實政古之遺愛也

田雯字綸霞號山薑德州人康熙甲辰進士二十七年巡撫貴州茹菓飲冰端躬率屬以去弊樹利爲己任在任四年勵官方嚴武備撫輯蠻苗威惠並著尤加意學校愛才養士惟恐不及時人比之郭子章遷少司寇去官日民思之不置著有黔書行世重修孫文恭祠

劉聞得字少言廣東人質學兼優中亞魁出宰清邑仕不廢學聞清邑隔科六十三年嘆曰此豈兵燹有誤誦讀耶抑教學無傳人耳因集生童自爲訓課定三八日爲文會嚴諭之使無間日或苦事忙

夜必挑燈詳閱文藝備加品騭自甲午冬至丁酉
門下士夏謨允復開科庭字段大策張素同榜嗣
後邑中科甲聯縣皆公力也公每曰人以父師稱
我我必保之如子方不愧稱父教之如弟方不愧
稱師卽公之言亦可見公之心矣公以年老卒於
官士民感泣一如所生

劉樵武陵人生員攝篆清平適苗變軍需浩繁公措
辦悉合機宜倡修

聖宮縣城實心爲政事見藝文志

朱本全字師曾浙江山陰人性溫厚和平日以矜貧

恤苦濟人利物爲己任邑故當孔道公養夫坐站
不惜資費履任七年民愛之如父母後遷長寨通
判

楊桂森原名汝達雲南石屏州人由庶吉士改授縣
令明敏英斷案無留牘裁汰一切陋規下鄉踏勘
夫役飲食等費自爲發給秋毫不累民先是爐峰
書院荒廢久公捐廉增修房屋墻垣添設膏火公
務稍暇校閱士子文藝亶亶忘倦任數月以憂去
士民至今思之

林晉奎安徽人選貢儉約廉慈先官訓導援例以同

知用黔嘉慶十二年署清篆值歲饑親挨戶勸諭
士民之有力者分上中下三等各碾米運市減價
出糴糴多不逾三升以杜奸販民鮮流亡先是常
平倉折耗穀多接年買補公曰春夏洊饑秋雖有
獲如人病新起方恤之而旋征之是猶大漸代謀
續命湯少瘥竟奪其補元煎矣吾不忍爲也卒緩
其事邑人利賴之

謝家懋湖廣舉人乾隆中撫篆清平倡設積穀倉於
城東魁星閣復鑿井引水入城以備不虞士民愛
之設位於閣中供奉焉

續輯

楊書魁字星元漢軍廉而能有武藝任清時愛民如
子給花車課耕織樂施濟抑強扶弱豪滑畏憚最
惡盜隨時更衣私行密查去來無踪常在場市中
指拿匪徒窮治其黨以故城鄉宵小俱斂跡四境
晏如民愛之如父母稱之曰我太爺解任去民思
不置爲立遺愛碑後署貴東道恩錫之亂因招安
至太平礮被賊留數日公神邑自若曉以利嘗賊
悟仍送歸聞風來投者甚衆嗣旋省休住種花自
給其廉有如此

會觀察紀鳳字擊民湖南少陽人周渭臣軍門營務
府帶軍平黔由麻哈出拔茅進紮隆昌淑里下司
是時賊爲席軍所逼聚紮大坳牛角坡一帶觀察
督軍過江會諸軍擊破之賊潰散餘盡降而爐山
旋定清麻全境始底定馬嗣辦善後給耕牛儲常
平穀數千石釐定公田修城修書院益倡捐興修
學宮借瓦城居以免火災隨在荒田飭軍開墾沿
途設碕商旅安然兵燹之餘百廢整新其德政固
自不朽云

汪申祿字舒谷浙江錢塘人樂善好施涖清數年修
書院成義倉且慮城內無水不便民汲蒹難防患
捐金跡謝公井廢溝䟽淪而擴達之鑿方池寬丈
餘四圍甃石層階厯厯一汲可八九人復開新溝
以洩水氣池上豎水星閣龍王廟以鎮之嗣咸豐
乙卯苗變居民咸利賴焉邑翰林劉蔭棠作記紀
其事而以智仁勇稱之洵不誣云

鄉賢

明

王聚字德輿正統間襲父職從大司馬王公驥兩征

麓川屢立奇功升指揮使天順初掌衛篆並領興
隆黃平軍馬阿榜作亂奉檄協剿俘之以獻擢都
閩成化初守迤東六衛嚴號令公賞罰繼掌閩司
興利釐弊政令肅猛六十致仕性孝謹備極色養
父卒恪遵母訓雖小故非稟命不敢行治家嚴肅
子弟時誨以孝弟節義好施與清平有山東陳姓
者以歲荒鬻十歲女與川人適公征烏蒙還途遇
之增價續回配千戶胡傑盛匱隨之初衛學新設
士鮮書籍公走閩中備購經史開示諸生人文爲
之一振卒年八十五

孫瀚成化丁酉舉人官郡丞孝友端直鄉里矜式
李純歲貢撫孤睦族有古君子風司鐸保康洪雅以
身立教去任久人猶思之崇祀名宦

王漳字源潔太學生正德初授清苑令歲苦水旱公
上狀得免半租時建乾清宮部檄陶甃於畿輔縣
有陶者因以爲利計通府胥太守然之公憤然曰
此甃惟蘇州陸地土可造一甃之費白金三兩奈
何基怨以殃民執陶人杖之具陳當事得減值輸
錢又縣民積逋太僕寺馬千匹計銀四萬餘兩民
情洵洵公詣當路請曰自漳之至縣也水旱盜賊

民困未蘇今以十年逋賦責之一朝流離嘯聚將自此始言甚激切得緩三之二時太宗伯傅公珪語人曰陶馬二徵徵王縣令爲墟矣時逆瑾弄柄公以清苑令廷諍之遂棄官歸史書直諫名臣中丞郭公子章曰逆長鯨之鱗捋飛虎之鬚偉哉清苑之貽王氏穀也豐矣

孫重字威清正德庚午舉於鄉令緜竹時罷繁苛勸蠹梗性戇直不苟爲順承後改學博遷雲南左衛經歷尋乞歸賦詩娛老垂二十年卒之日御史張岳銘其墓子哀嘉靖丁未進士官御史

王木字子昇父漳清苑令有惠政木生而好學中正
統癸酉鄉試授隨州學正召爲御史多所糾劾歲
大比近臣典試不公木劾之勲臣莊戶爲民害者
一繩以法貴戚斂手江南旱疏請賑濟海寇董劾
等倡亂會兵剿平之賜白金文綺嘗謂大學士楊
一清尙書王守仁可大用時服其知人出爲雲南
僉事備兵迤西綜覈郡吏獎廉黜貪以鯁直爲時
所抑遂拂衣歸著有東巡集晴溪詩集奏稿藏於
家子烟孫培輝塾曾孫鏜先後登科

侯問正德癸酉舉人嘉靖間任太和縣令慈惠愛民

縣故附郭供億倍他縣舊取辦里甲胥吏侵漁民
爲之困問一切更之遷工部主事累官太僕寺卿

邵鑑爲遙西守備奏四川敘瀘大壩地方密邇烏川

芒部等府其芒夷劫掠必經永甯乞添將一員於
附近衛所挑選官軍操練以備防禦命下川貴撫

按議復貴川遙西兵備移駐畢節以川貴參將移

駐永甯表裏控制從之永甯設參將自公始中丞

郭子章曰事關兩省雖天子使臣猶尙引嫌鑑邊

境小臣耳抗疏言地方大事賢哉志稱鑑先守銅

仁苗夷畏服及爲閩司督修貴州科場規模之廣

工料之精特其剩枝耳

王樸嘉靖辛卯舉人爲大理通判知昆陽州有才節持大體除易門逆黨王一新見滇志

孫衣嘉靖辛卯舉人知雲南保山縣杜絕苞苴寬於民而嚴於吏遷雲南同知益自勵子應鰲世其家王炯字幼甫別號闇齋性聰慧過目成誦十歲輒能詩文弱冠舉於鄉聯捷進士授南部縣令以循良徵召授興化郡丞未幾引疾歸居林泉二十餘年壽六十淮海孫公志公墓略云清高正且方勁廉節負人世卓絕之行含宇宙太冲之氣世俗不攬

其心萬物不擾其慮巡撫嚴公清學使吳公國倫
亦服其博雅著有閩齋詩稿

石邦憲字希尹方在娠時庭有丹椽結實一蒂雙果
數株皆然甫十歲苗賊逼城公於階下立壘持鎗
願當一隊識者壯之嘉靖七年襲指揮使歷都平
守備雲南都司銅仁參將貴州總兵官右都督初
四川流賊合思南石阡苗民據江村圍叛會大征
命公堅守圉下探賊食盡急攻平之又磨子巖圍
苗廬阿頂等反求援於播州眾兵皆恐公曰安萬
銓楊烈所畏也調水西軍進次烏江聲問烈罪烈

奚暇援諸將服其議兵威復振公集兵勞曰吾觀
擊鼓催陣日午必破賊於是軍士踴躍乘風舉火
斬關而登生擒賊父子斬首無算銅仁苗賊龍許
保吳黑等據六龍山爲穴進攻銅仁公率兵進援
苗不復窺視銅仁乃由間道破思州陷石阡公進
剿破之六龍山賊黨悉平詔加提督麻陽酉邑等
處節制川湖駐札銅仁自公始初安國專以十八
萬眾爲亂逼圍省城公以檄召國專責之曰若欲
反耶汝謂四十八頭領能忠汝耶吾鑄四十八印
立爲四十八官朝下令夕馘汝矣爾漢唐宋基業

在吾掌中可裂爲郡縣耳何如安分世守士爵雖
公卿不汝過也國亭免冠泣謝園始解公前後蒙
欽賞十四升俸級三廕子二追贈三代皆如其官
卒賜祭葬贈左都督

孫袞字補之順甯訓導遷鄖西令居官節儉愛民居
鄉怕雅謹飭公卒姪文恭公哭之曰叔父幽密戒
懼不愧屋漏可謂居身有道孝親敬長友愛宗族
可謂處家有禮官十餘年蕭條淡泊可謂不負於
君不負於民力崇古道厭薄輕靡可謂邦之典型
後之模範位不在大壽不在高生順死安是曰無

忝此亦足以覘公矣

李佑字吉甫號培竹嘉靖丁未進士授雲南大理評
事遷寺正改工部往董川貴大木深入嵐瘴不避
艱險不擾商民大工已濟遷副使備兵南戇時盜
賊猖獗殺汪副使佑視事浹辰單車入岑岡三巢
譬曉李文彪諸劇賊斂束聽命立定南縣控制諸
巢未幾廣東賊亂復設巡撫以佑南戇功擢僉都
御史往撫其地百務創造無所承藉佑綜理精密
號令嚴明海賊林道乾山賊張韶南等次第就擒
一歲捷書十餘上屢賜金幣璽書慰勞以病歸著

有南法寺駁稿撫粵疏稿及詩文等集

孫哀字益之嘉靖丁未進士選庶常授陝西道監察御史南城內多中貴宅產公巡視悉束以理法不受請托兩院奉命清戎兩粵凡閭閻隱痛官察貪墨胥吏黠猾公以便宜施行諸司股粟又疏計雲南鮑巡撫贖貨旨下鮑礪職鮑素結權貴旋造飛語誣公謫定州州判官未三月擢汝甯推官時伊藩坐違祖制當勘兩臺以屬公公一一辦復之擢湖廣常德同知未任擢雲南戶部副郎踰年遷斬黃道江防僉事斬黃爲水陸盜藪公選材官衛使

程督訓練繕諸城邑剏造器械戰船專責守令嚴
覈勤惰甄別廉污黜盜次第就縛境內肅清會鮑
再起用欲中傷公公已回籍矣在臺時如疏議清
平夫馬之疲累糧儲之催徵皆切中時弊因得少
蘇罷歸時諸屬餽遺屏絕弗受家居孝友並篤桑
梓親黨周恤無少吝暇則讀書課農惜年僅四十
有七位與壽俱不滿德云

孫應鰲字山甫號淮海幼穎異日讀千言弱冠登嘉
靖丙午鄉試第一癸丑成進士選庶常授戶部給
事中出補江西僉事遇流寇有方略九江三百人

誤坐賊黨一言出之遷陝西督學身先爲範士服
其教累遷耶陽巡撫隆慶改元上勵政親賢十事
並劾提督太和官巨璫貪欺狀上皆納之乞骸歸
萬曆初召起原任首請恤錄建文死事諸臣兼復
革除年號奏雖留中識者韙之未幾入爲大理卿
升戶部右侍郎改禮部掌國子監祭酒請嚴監規
勤考課命著爲令會駕幸學進講周書無逸章命
坐賜茶復以病告再起南京工部尙書卒諡文恭
賜祭葬著有教秦緒言易談春秋節要律呂分解
四書近語學孔精舍彙稿續稿等書

李維祐字子受父印以明經爲潼川州佐公家徒壁
立甘貧力學舉嘉靖辛酉鄉試第一初授射洪教
諭督學廬山胡公極器重之丁卯分校雲南鄉試
轉國子監助教出知乾州復補黃州所至砥節勵
行勤政愛民屢騰薦剡升太平府與民休息暇則
進諸生課業講藝習俗一變太平爲交趾入京孔
道交人入貢督撫檄公往看例舊愧啟關金公謝
絕之卽一刀一韻無所受後以誑誤歸公性謹厚
孝友倍篤其居常宴會率多貧時故舊鄉評重之
王從祖字義甫幼孤貧力絕伎求晚膺歲薦爲山陽

訓導履繩蹈矩不趨時態卒與時忤尋乞歸家居
寒素晏如也

王鏞字廷振少叔鶴慶撫之七歲就外傳視履端
莊言語奇警年十九補弟子員應恩選以麟經獲
售授浪穹令轉南陽貳再補甯國監蕪湖稅羨餘
悉報入官考天下清官第二晉臨安守會蜀黔報
警公赴援擢曲靖兵備安效良發難烏雷六百里
屠燬無餘公督轄安普道儲糧贍兵民困始蘇後
效良流言誣公誅降戮服遂乞歸嗣部白前事欲
起用公辭不就公弟欽早歿遺子長德洪置田宅

育之次德澄撫爲巳子門庭雍睦著有清平縣志
又與同志結甯儉社笑咏焉卒之日邑侯謝宗沿
銘其墓

李大晉字伯康負質奇偉十歲能文博通經史登隆
慶辛未進士授儀賓令補臨川移倅溫州再守隨
州轉重慶郡貳遂解組不仕嘗曰吾歷官惟上不
欺君下不虐民一切成敗利鈍付之天命自號曰
大愚居鄉澀恭嚴恪罔徇俗尙喜稱人善恤族黨
人多服其隱德

孔宗海字道本合太和果毅任事風節凜然適鄉紳

有給假在籍者恣睢里閭公沮抑之成隙泊公遷
守阿迷州甫履任被中傷歸家居嚴訓子弟嘗書
帖窗牖曰勤學可以及人修德則能動天以故子
若孫相繼登科第晚年家事蕭條對奕談元怡然
自得其剛介則出處一轍云

王墀字允敬初授羅山縣學博甫九月轉廣通令公
實心任事而才思敏捷剖決如流縣有土官主簿
段姓者素翫法無忌當事稍加約束輒用誣術咒
詛之或疾病死亡相繼公廉得其狀乃執送府寘
之法聲譽大起擢鶴慶府判尋以疾歸公性嚴守

潔不曲徇情面待弟姪友愛先世所遺悉讓之有
古人風

王念祖字修甫別號訪川初任新甯再合保山率悃
幅無華保山有監司門役苛索不遂怒語及公公
曰爲政有體上下不相侵吾縮綬一邑長肯屈節
受若輩侮耶執門役杖之遂拂衣歸公性孝友父
卒哀毀幾絕旣葬廬墓父鍾愛繼女已物惟父所
與無難色待弟姪亦如之居恒布衣糲食非客不
市肉非祀不宰牲雅嗜詩書壽八十猶手不釋卷
孫文恭公贈以文曰有孝德以處家庭有友德以

處宗族有恭德以處鄉里有信德以處朋友有儉
德以處士民若詩追盛唐文追大蘇又其剩技真
知公矣

顧爲麟字仲趾初授資陽教諭轉蒼溪令雅意造士
立會課有不能舉喪者公資助之凡十餘人又買
山收瘞髑髏丈量田畝清覈影射民皆憚其嚴明
而樂其慈惠縣以稱治凡四登薦剡轉敘州貳守
駐劄建武建武故爲九思城蜀極邊地也公清理
兵餉飭武備邊城倚爲長城會疾乞歸時兩尊人
在堂子若孫遶膝公承歡課讀暇則怡情吟咏徇

祥林臯無他櫻念時稱爲平地神仙

方完字汝璧宅心忠厚操履周慎初仕西華施粥救
饑捐俸修學有胡生嘉棟者才學素優家貧不能
試公厚資遣之行科甲聯捷遷大名尋乞歸課子
飭孫襟懷豁達有過人者

楊國華字應文性耿介言笑不苟司訓常德端楷範
士雖鯁直恒與世違而嚴毅之操人皆憚之

孫應雷字養靈司教潛江恭敬和樂甚得士民心轉
廣安州與州守不合拂衣歸居家恬靜課子姪慎
交遊蓋力行古道者

程志字希尹父潮因姊丈宋治安任安居主簿姊赴任無資潮爲轉貸偕姊往半載宋卒於官姊歸而潮懼貸之無償也僑寓蓬溪之清華寺十年以客死寺僧憐瘞之志年甫十六有遊僧傳潮訃至志哀痛欲絕家貧甚鬻宅爲資隻身覓抵寺中僧見其貌類潮相對泣指屍棺斂志間關跋涉艱險備嘗始歸父骸葬諸里舉萬曆丁酉科第二任蒲州牧清約慈惠卒後蒲人衛廉之參藩來黔過清吊之曰此吾鄉廉慈父母也嗚呼如志者可謂上不負親下不負民矣

王習祖字紹甫幼博聞強記督學川樓吳公器重之
以歲薦入太學授華陽主簿華陽地屬省會公鬱
鬱不能俯仰退歸田孝友慈惠訓子弟最嚴稍有
弗率卽加夏楚鄉人亦敬憚之

孔元德字體仁別號養初

先聖五十四代裔性孝友倜儻多才以萬曆戊午鄉薦教
諭平原計破白蓮賊擢國子監丞上庠欲祠逆璫
公以職在繩愆不許時論韙之擢臨安守遷姚安
兵備公履任以減汰收實兵以團練收實用謀畫
周詳風憲凜凜歸田時重修

文廟並捐置店房爲諸生燈火費

汪良字明卿初授環縣教諭遷路南知州先是州外有溪最險往來人多淹沒公捐俸建橋人不病涉州人立祠鑄像祀之事載州志嗣遷慶遠丞有土官莫姓者素玩法欲謀不軌公計治酒設伏兵擒之以獻兩臺交薦加四品服俸尋乞歸與同榜王公鉞議修清志公天資曠達剛毅敢爲文章勁古亦自成一家云

孫英字雄甫多幹略以六所弁加四品服俸管本衛操事天啟二年安邦彥叛圍攻省城按臺朱公永

安檄公率本衛操軍及衛屬上下營哨兵共三百人赴援並益兵五百名餉五百兩命守次南門公晝則衝鋒冒鎗夜則躬親巡警備極辛勤繼因糧匱以勞瘁卒於軍所永厯初總督范公鑛哀其遺忠欲祀之以忠烈未果尋祀鄉賢祠

李敦慈字幼庵中崇正乙酉鄉試苦志力學以舌代耕博通經史子集並星象方書而於周易尤精邃詩文其剩技也謙恭退讓立身接物不炫飾才華惜遭世亂未膺顯榮清邑士子遊其門者強半

李友桂字泗亭由指揮掌衛篆時苗賊劫掠官道燒

殺村屯從總鎮胡公從儀征剿狼砮壩埂一帶直
抵九股屢立戰功遷都司泊壬午苗叛圍城公指
示分布捍禦多方城賴以完先掌篆時集庠生立
課程照三場例躬親衡鑒得中式者數人誠文武
全才也

方時言字五雲博學多才淡於名利以歲薦授馬湖
訓導值歲荒公罄囊施粥活多人遷貴陽教授督
學詹公時重其才每巡試載之偕往以備諮詢轉
興隆教授先是庠生有以奇禍罣誤者賄公百金
公不受力白其寃後苗叛圍城公勸前士倡金給

軍眾各響應城得不陷公之力也

孫應對字心海初授淝鄉教諭遷北直大成令時魏
璫用事自院司至郡邑悉出其門甚至代建生祠
爭奴顏婢膝以希寵利公獨守正不阿後璫權日
熾公知其危遂掛冠歸按臺傅公宗龍賜匾曰居
然長者

王銓字廷選萬曆戊午副榜應天啟三年鄉薦初授
金華訓導按臺朱公重其才委署武義令且獎之
曰立身如玉如金圖書在左在右署事五月廷無
積案獄無冤民遷華陽教諭公任兩庠惟教以孝

弟忠信居鄉憐貧恤孤尤加惠族姓著有婺婦吟
二華勝異歸林嘯咏敦睦雅事並詩文稿

孫世正字興甫幼從淮海先生遊萬厯癸酉舉於鄉

益扁戶力學每有心得輒錄之久而成帖丁丑成

進士授桂平縣時土獮嘯聚爲患公單車抵其巢

論以威信賊羅拜聽命兩臺交薦行取南京工部

給事中萬厯初閣寺多不法公悉數其罪詞甚激

切政府報公書曰自巨璫馮保擅權十餘年內外

章奏無敢一字及中官者大疏入心甚憂之昨得

旨始釋會禁中促取翠屏屏料及雕鏤甚細出窰

見風破碎難成廠工被筆楚無算言者輒得罪公
上疏得旨報罷出守韶州尋以憂去服闋補順慶
府府故有官店歲租公悉捐之以店房爲社學以
餘租給貧士遷雲南按察副使備兵瀾滄公以母
老迂道歸省相聚月餘母卒公哀痛過甚尋卒生
平謙退卽貴顯往返里中恂恂若處子居官清約
自爲令至郡領近三十載囊橐蕭然西充劉公啟
周任清平嘗曰吾果城三巴各郡守其土者餘濶
及數世我胸山公祖不及其身而行資尙之得無
清廉而過者乎著有就正詩稿二卷

舉元三
三
蔣世魁字道陵號見岳少能詩有俊逸才十舉不第
應歲薦授全州訓導卒於官魁潛心理學初謁道
林蔣先生知萬物一體爲聖門宗旨旣又謁甘泉
湛先生乃登岫屨羅浮太和諸山俯盼六合襟抱
洞開歸玩易讀書借宅蝸居冬夏僅紉一緜褐一
妻一僕恒共衣服絕無病容父素齋爲古潘長史
奇籍湘潭父沒後魁不欲傷繼母之心盡以田宅
付其弟自甘窮約著有詩若干首淮海先生題曰
蔣見岳初稿並爲之序

李敦愨字睿庵初業儒後爲禦寇將軍武邦賢裨將
嘗從征苗平金霸復凱里奮勇當先策功第一歷
官至副戎

本朝定鼎授都司康熙七年破桃夭鐵甲千餘衆九股聞
之悉胆破不復爲亂後以年老退居羅山寒詩酒
自娛兼諳醫藥以濟病人

顧孝廉維亮品學兼優篤於孝諸凡稟白而後行
出必告人必面辭色溫婉肫然孺慕北上回抵爐
山下始聞太夫人已逝卽號泣膝行上山悲痛莫
已三年茹粥不入臥室嗣奉繼母亦盡禮視膳問

安未嘗或間待人接物鄉黨無間言至其教育人材如王福基輩多知名士舊屬餘事若而人者則謂宇宙間完人歟

忠烈

明

孟杲家吉國公八世孫任本衛千戶忠義自負正統十四年征廬山以先鋒禦賊力戰死

王瑞少有才智膂力過人萬曆癸巳義古苗叛匿數百人於南郊使十五漢奸僞作入關投宿狀約昏暮燒劫我兵盤獲往撲之申賊死者七人瑞扼之河邊立搏四賊眾皆驚愕舉於縣縣令魏公自強募兵四十名委瑞督緝適賊劫麗江進貢人役瑞率眾追捕手刃五百人擒十七人每報賊警瑞或

殺或執絕無空反並率兵協剿十二馬頭及平樂
羅蕩諸賊十餘年威名大振提調下六衛一帶地
方撫憲郭公子章胡公桂芳按臺金公忠士馮公
弈垣兩次交薦升任京營團練守備嗣王三畏反
委瑞出征瑞曰我以匹夫受國厚恩急公報効在
此行矣與賊大戰自晨至午師少力竭又無後援
殺賊十餘人手刃二人中箭死立而不仆賊驚却
得全骸以歸

權繼武興隆衛指揮歷官都指揮正統間螭鱗苗叛
繼武征香爐山死之

司顯枝字玉達明指揮使性愷直順治十五年

王師南征公不爲避眾執以見洪公承疇問地方事仍與
舊職令放歸公至家仰天嘆曰天命有歸國恩難
報潛入後園自縊死

國朝

邵煥麟山陰人任清平典史雍正十三年逆苗攻陷
凱里肆行焚劫煥麟時在凱城奮力擊之被賊戕
死事 聞贈主簿賜葬祭祀昭忠祠

蔡文魁 邑人任提標前營把總雍正十二年奉調
領兵出征台拱十三年五月陣沒事 聞賜葬祭

加贈給蔭祀

李元龍 邑人任本城把總乾隆三十七年奉文領

兵出征大金川陣沒事 聞加贈賜葬祭給蔭祀

王應科定番州人任凱里營清平汛把總乾隆三十

七年奉文領兵出征大金川陣沒事 聞賜葬加

贈給蔭祀

吳開祥鎮遠縣人任凱里營千總乾隆六十年奉文

領兵出征湖南嘉慶元年從征興義府二年從征

四川達州邪匪三年五月陣沒事 聞加贈賜葬

給蔭祀

劉 凱里人沒於軍乾隆三十五年奉

旨入昭忠祠劉倫其後裔也

續輯咸豐乙卯苗變陣亡官紳軍民

外委陳正標與弟正興由凱出隊陣亡於龍頭河

監生唐汝雲自募勇三百捍衛凱城城陷時巷戰力
盡賊擒剖心食之

監生唐汝明見兄剖心忿督姪文庠廷楨武庠廷桂
從九廷英暨唐玉科唐廷松唐有科唐順祥唐吉
祥唐老方唐老岩唐老開等拚命死戰俱歿春福
任三皆苗種爲唐氏僕見賊剖食主人心亦罵賊

殉難

陳三戰兵城陷巷戰死

戰兵杜耀邦出敵北門帶傷而歿

陳連成補充上江守兵北門陣亡

黃六順出國冷風口陣亡

吳廷勳龍頭河陣亡

梁應鳳樂土堡人帶團防堵開懷中礮而死

陳觀光顧錫福會鷄場圍攻上寨陣亡

徐雙生徐連應姚德讓俱馬鞍山陣亡

顧世貴南門上陣亡

吳多生守兵牛市邊陣亡

包攀桂城陷日與賊交鋒亡於西河

唐炳初東門外陣亡

戴崇黼隨黃槐出圍上寨陣亡

吳政修上寨陣亡

吳國才補充承營練護至五里礮陣亡

庠生羅錦章帶團冷風口中鎗陣亡

武庠羅漢章冷風口打仗陣亡

羅中受楊老友冷風口陣亡

羅龍章督團打仗陣亡

景元卷三
姚德成負炮上寨賊搶之以祭旗

劉長林在凱城外交鋒陣亡

陳 三爐山汎兵下山衝敵中礮陣亡

從九陳祖武避亂凱城率團防守城陷督眾巷戰被
賊生擒碎割其體無完膚

武舉蔣萬春捐資募勇護守凱城城陷日巷戰斃命
孫 三戰兵年六旬與賊交鋒中礮歿子德恩馬兵
城陷時亦戰死其孫鍾成跳塘而死

李國標 李國彬 蔣鳳和 蔣鳳林 劉光先

劉朝貴 六人俱巷戰死

守備黃元倫冷風口陣亡

把總梁占鰲冷風口陣亡

貴陽營千總顧世鈞馬鬃嶺陣亡

守備王定臣青崗均陣亡

武生顧洪元在凱里城外打仗陣亡


武童顧占元在凱里城外打仗陣亡

徐老連在爐山陣亡

徐連魁 顧世祥 郭龍保俱在爐山陣亡

李洪春在城外打仗被火藥燒死

龍萬受在五里橋陣亡



續輯咸豐乙卯苗變殉難官紳軍民

訓導黃錕字劍泉石阡府舉人籌備防堵幾瘁心力
六年城陷死之

典史李安圻字南井嘗以邵山除自待後城陷從容
就義

外委王占魁鎮遠人官爐山汛二十餘年苗變率兵
民登陴守禦雖年邁不敢告勞比山陷公與夫人
朝服北向再拜家人以次列坐縱火自焚忠烈哉
甄里縣丞陶文亮雖齒衰必親登陴巡警城陷死之
千總黃■時都司劉攀桂出綏陽軍黃代理都司

事率兵防堵巡警甚嚴次年城陷殉難

衛千總麻某協力防守凱城陷殉難

張春年丹江人官凱里營把總巡查城堙不遑啓處
城陷死之

外委包金華在凱日夜巡防奉令維謹城陷死之

馬松栢承觀察麾下把總留於清英勇絕倫城陷手
刃多賊襟袖皆血逆苗莫當其鋒旋刀失受害

教諭何錦章清鎮縣拔貢苗變公獨申文請剿次年
春以積勞成病卒於署

張昱邑副榜辨理城防事件嘗曰生爲桂官人死爲

桂宮鬼城陷以首觸文昌閣簷柱而死

從九劉耀垣罵賊而亡

文庠裴學中城陷走至祖墓前以首撞碑死

陳正舉城陷跳塘死

吳政顯年七十賈賊突至顯自縊於洛掌廟旁

文庠唐廷樑爐山陷尋河自盡賊牽出碎割其體而死

文庠顧炳光爐山陷與兄揚光負母遯逃遇賊賊辱之罵賊俱遇害

胡斐然城將陷焚香告祖人先父母自刎而亡

典史陸 五里橋殉難

顧炳申破爐山殉難

顧宗揚孫廷照俱在爐山殉難

文生邵大邦失城殉難

續緝咸豐乙卯變亂在外陣亡紳民

花翎遊擊顧培基從趙軍攻拐二陣亡

藍翎五品銜候選知縣孫元勳邑庠生有勇畧從張
觀察鏃軍出隊時賊突至勳慮士卒不用命親出
接隊戰歿於貴定溫舒河

藍翎五品頂戴顧連勝從趙軍門德光復修文賊圍
營官趙德光連勝衝先救護中礮陣亡

顧世恩從巴鎮軍紮灰坡出戰陣亡

貴陽營千總顧世鰲奉調紮龍里荒城城失死之

顧丕基從趙軍攻大水塘陣亡

顧世欽從趙軍門德昌復興義退至簡鄉陣亡

顧世鑪入田營在王卡陣亡

顧世斌在平越隆昌堡陣亡

劉盖厚在黃平大谷龍陣亡

吳中奇在狗場陣亡

王世德在鴨爪壩陣亡

把總吳有緣入徐河清營在黃絲陣亡

把總吳國安王敬烈在甕安上堤陣亡

楊登榜在羅均陣亡

劉小二在札佐陣亡

孫培相在甘肅階州陣亡

顧忱防堵清鎮賊突出陣亡

劉光齡改石阡在走馬坪陣亡

陸培根陸燧珍在開州陣亡

羅建章在王卡陣亡

顧老林徐樂山在開州果河坪陣亡

徐登揚在甕安上堤陣亡

庠生王金蘭馬場坪打仗陣亡

徐廷英與子老三均陣亡於開州煤炭鈎

六品軍功顧振基在開州羊場陣亡

見元卷三
三三三
六品軍功顧正邦在王卡陣亡

六品軍功何萬春在上大坪陣亡

六品軍功徐耀三在玉華山陣亡

儘先都司徐永芳克復黔西陣亡

儘先把總黃正品在貴陽屬貓場白果寨陣亡

儘先外委黃正中在開州城外陣亡

儘先遊擊平越營分防酉陽千總顧炳正出征南
京陣亡

文庠王世德王松在馬場坪陣亡

周二在馬場坪陣亡

艾老保保副將在江南陣亡 羅九經在安順陣亡

因公被難

陸培然避亂平越奉高州主札回鄉招撫林西等苗甫抵狗窩大坪事洩尋遇害

羅鳳章隨田軍來招降遇害

姚殿鈞監生製軍器發倉粟齊團防堵莫能支舉家入城城陷逃至苦李井殿鈞遇害仲子德臬潛與乾苗夜覓其屍塋於苗董而逃

潘正才山江苗人因保地方百餘人尋路送出賊首潘世祿殺之

庠生向英華因劉文魁圍至上下寨搶林苗米華同

去藉此曉諭林苗早降苗不聽以石子打下馬死
劉白齡由鎮遠解糧往老縣途次遇賊害

文庠夏濟川勻城陷同父志開遇害

孫二桂被逆首石講古杖斃棄灣水河中

魯遇恩凱城陷與七十老母同時遇害

劉鳳齡凱城陷一家十一口同時遇害屍骸枕藉
楊老連苗人充行伍號手凱城陷賊割其鬚而殺

陶安平分縣陶文亮子凱城陷被難

都司劉攀桂長子被難大堂

包啓明火葯燒死

士弁孫文龍亂時奉調帶鄉練赴清守城出力城陷
與父枝文同遇害於北門橋

田昌遠奉令守城城陷不屈被害

景
卷
三

七

孝

明

呂大綜性純篤父病危綜衣不解帶躬藥餌親洗濯
日夜焚香祝天願以身代萬厯間提學沈獎之

孫枝榮字奔業天啟初聞父英死安曾之難日夜號
泣氣絕復甦乃攜僕往尋父骸時賊黨充斥榮從
僻徑夜行晝伏半月始得達至一官署見封甕上
書清平衛弁孫英骸骨泣負歸葬之僉以爲孝感
生平謹厚端潔言動不苟家貧以舌代耕從遊者

甚眾

李源性至孝父病源嘗糞甘苦以占吉凶尋獲愈人
以爲孝感官至都指揮僉事

金章少孤善事母母病氣絕逾日章呼號願天請以
身代母復甦

顧仕鳳字騰川襲千戶職童時市瓜果度日每市擇
其佳者先以奉親餘始入市值父病篤仕鳳聞人
語病者蜚苦則生甘則死遂嘗之尋進藥獲痊壽
至八十始卒

國朝

孫炳從字玉周任凱里營把總累遷廣東乳源守備

性至孝父老鰥居出入扶持不假手童僕每公出
戒其妻妾亦然四時新物非父先嘗不入口

張永蕃字濟盛歲貢博學能文性至孝嫡母陳氏沒
既葬復三遷必得佳城遷父同穴而後已事生母
孝氏出告反面有古孝子風

李之璐字世美幼習耕叔父如迪撫爲己子偕婦司
氏事之若親生父母性嚴急時加詈撻璐夫婦以
顏笑承之父死璐哀痛愈至雖甚貧勉力營葬人
曰稱家有無可矣璐曰吾父撫我之恩不敢忘且
身係明經不可褻鬻身以葬宜也已母病能食不

能起氏雖借貸每食必以白飯奉姑大小便抱持
上下如是者三年司鐸吳君爵榜其門曰雙孝可
風

黃鶴鳴之父某居凱里乙卯苗變某負母逃匿苗追
及之母知不免令某去促之再三某不忍捨遂相
抱而死

孫塾紳字書思廩生博學能文尤勤友教遠近爭館
之不惜聘父炳英家貧好客歲時館穀悉佐酒饌
無絲毫入私房弟妹嫁娶皆其所出惟得親歡而
後已身沒後三子皆赤貧

王文華字錦章三歲父見背母孫氏青年矢志文華
幼多病術者謂其年十九必死遂捨身於邑之聖
壽寺爲僧每伺人靜後長跪佛前祝曰如華命當
歿但乞後母沒華瞑目矣越二十年竟無恙還俗
奉母以色養聞生三子卒年七十四人以爲孝感
孫有試字魁元庠生母莫氏病篤有試割股進尋獲
痊逾四年始卒

張維庠生性孝友母年老喪明維日侍左右先意承
志友教兩弟仲弟續廩生季弟素進士乾隆八年
同顧惠請

三
三
旨坊旌錫鄉飲禮寘職名

張績庠生維其長兄也母老喪明績設床榻側呼
吸警欬省視必親隆冬抱母溺器卧日不如此寒
將襲母其性情肫摯類如此

孫維新庠生父源明病噎新割股療之和輯羣季內
外無間言臬憲李旌曰孝友克敦

吳啟季庠生孝友性成祖母與之金盈百秀曰將來
啟爭端者必此也况我何可膜視諸季獨享膏醪餘
耶遂公之父病衣不解帶割股療之尋獲痊秀嘗
患足疾痛甚呻吟父母至卽談笑自若後疾篤私

具麻衣命弟曰歛時暗置棺中俾得稍盡子職於
地下

李元基性篤孝九歲父歿哀禮逾成人家貧賣餅奉
母志不忘學十七遊泮母病割股療之並禱神願
以身代尋獲痊生二子克繼書香

續輯

文生楊起元城隍負八旬老母不得出城死於西門內
文童吳宗培性至孝奉母避爐山潛回本庄負米供養
賊害於爐山之麓

吏員周金榮城隍時負母七旬出東門同害於河中

羅三元奉母孝母劉氏守節偶有病則茹齋以祈神佑
清城隍負母至斗口廟俱遇害

顧衷號子和忠厚有孝行少能飲太夫人憂之公自是不復飲讀書廬村博洽工詩賦字稱馮手邑人多遊其門丁酉選拔丙午申副軍辛亥舉孝廉壬戌成進士分省甘肅歷任中衛古浪等縣清廉愛民曰碑載道亂時賊過城下令曰此顧蒼陸所在也不攻而去其爲人概可知矣

文生麻榮坤凱里城陷母曰見速去以延宗桃坤曰
鬼何敢獨生母子相抱而死

義

國朝

鬍子凱里胡茂生之僕無姓名魁梧虬髯遂以鬍子
名乙卯苗變陷凱里城官民奔潰茂生沮河不能
渡鬍子負之浮水將及岸賊攢矛待之茂生懼不
知所爲鬍子曰主腰間所繫何物也白以金鬍子
曰此何時尙顧此耶急取金拋擲岸旁諸賊爭攫
取不暇顧始脫茂生於難

宅榮庠生王金華僕配婢生子金華歿遺孤德本甫
三歲女甫數月凡耕商婚嫁事榮身任之辛勤較

金華存日有加焉本入塾偶或廢學榮輒述金華
攻苦狀泣涕媿諫本成立榮已老猶奉命惟謹死
之日惟以善事主人勉其子篋無私蓄

老來與夷人幼鬻庠生張呈瑞家瑞沒遺子文燦甫
七歲瑞妻尋沒與樸誠服役不敢憚勞洎文燦成
立屢勸興受室與國辭恐異日貽主累也率年七
十餘闔堡義之

劉發臻洞土千總劉仕仁僕雍正乙卯仕仁因公赴
台拱適苗叛闔家奔避逆苗追至硃砂坡四十八
口同時遇害發員仕仁幼子祚遠潛遁尋得苗婦

衣裙與遠更換已亦易苗服伏行七晝夜始抵台
拱父子團聚劉氏不絕發之力也

續輯

犵苗高貴富爲人忠實有胆畧知大義乙卯亂齊
犵團與文庠王漢章容壽堵勦清城警糧缺犵
團常挑米來賣城失保全男女由團內送出甚
多犵衆多勇敢善短規諸苗亦畏之不敢犯後
苗衆合團富戰敗逃往貴定忠義團富練及大
軍下富復齊其黨爲游練衝鋒破敵所在立功
歷保副將在夷中真可謂鉄之錚錚者歟

苗人吳九勞亂時亦暗投常往來於省中疊報苗中
消息清城失保全送出甚多苗賊知之火其家九
勞及子世興聞風先走賊出重賞擒之父不敢
歸逃在軍營出力世興保把總亦可謂知大義者

矣

許勤博亂時舉家歸凱城城陷楊明芳保去寄居鷄
頸席軍來奉札招降賊知至開懷索而殺之劈身
為數段其子登龍與楊明芳等引軍入復丹江凱
里供糧出力後餘賊復破丹江報許姓仇舍宅被
傷數人官軍施進登龍等隨擒殺數十人始安

善行

國朝

何元臣湖南人家凱里雍正十三年苗叛闔城男婦被害屍骨滿地元臣檢葬印盒田築土堆號萬人墳

孫紹謨例監雍正乙卯苗叛後人多失業謨招集親黨毛張胡曹各子腴田令自管業修龍頭河石橋二次文昌閣一所計數千金鑊印孝經小學朱子格言文昌聖典呂祖全書各萬部修大路由凱里至臻洞司鉛廠計三十里官堰橋梁料理尤

多施棺木藥材三十年婚嫁孤貧子女二十六人

生平自奉省約沈重寡言而惡少對之不嚴自肅

子懋昭中乾隆己亥 恩科亞元

蔣璠字獻玉捐後園一幅建 魁星閣

孫鑛捐修 啟聖宮

王世盛妻段氏創修 城隍後閣

張鼎鑑性孝友樂善好施祖父母喪葬及父母供膳

獨力自任伯兄沒遺三孤收養婚配贖兄典質田

土散給外另益以產族戚子弟無力應試者資助

之率多成名歲饑除父量族戚人口多寡明飯米

布散蕎麥各種重安黃平等處有索種者亦給之
凡三年捐修 文昌閣同李勳國捐修

聖廟大成殿並捐置

聖廟 文昌閣及石仙山廟焚獻田

李勳國同張鼎鑑捐修

聖廟大成殿銀各四百兩生平善行尤多

尹占鰲捐修翁蕩河石橋尋被水衝塌誓重成之每
年除家口日用外餘供橋費計銀不下捌千兩書
院及報名試卷各田捐銀貳千兩其平日利濟事
亦多邑令譚上其事奉 臬憲李匾旌樂善不倦

唐志運湖南邵陽人甫來清過洛邦塘苦渴捐建茶
亭及觀音菴置田捌坵爲菴香燈施茶費又清邑
向無三楚會館捐基創建壽佛寺施田九坵銀四
百餘金以供焚獻楚人塑其像於寺司鐸田茂作
記暨匾聯旌之其室甘氏戒葷酒力爲相助繼室
王氏每晨煑粥濟饑人生子二長子岱明經次子
峻庠生岱子廷亮中乾隆己亥

恩科舉人亮長子定儀庠生次子定位生四子三子國勳
中道光甲午舉人餘俱入邑庠峻子廷獻亦列邑

庠

陶宗藻修橋二一在里牙一在台拱又修里牙路數

百丈

許國彥習醫精幼科有延診視者不問貧富不避寒暑病者痊焦勞始釋絕口不索謝路間瓦石荆棘悉掃除之每以家資弗克廣濟爲恨年八十餘子一孫一曾孫六詩書克繼始有以啟之歟

雷燦號葆光以州同試用陝西感慨時事拂袖歸精岐黃濟人惟日不足有田出租穀四十餘石捐給養濟院額外孤貧地方善舉商之靡不屢勉從事劉源誠貢生捐施棺木

段如璧庠生捐施棺木繇衣又老董有石橋被水衝
激勢將圯如璧偕同志募修橋三道

陳聖詠修翁鴨河友恭橋

張廷璧修冷水溝三多橋

顧宗相監生捐修節孝祠銀貳百兩知縣彭書吉人
爲善表其門

李光瀛庠生歲荒賑粥施棺

張文捐施棺木歲荒減價修廟捐田周急濟貧其子
朝魁亦有父風焉

丁鳳岐庠生性恬靜日以讀書種花爲事近宅有熟

麥一畦被人摘盡或以告岐岐曰此輩爲飢驅故
至此耳置不問洎捐館預知時日集家人環視之
端坐而逝

唐純元方耕累資邑有卞列河向苦無渡獨力捐置
之並購田出穀六十挑以供渡食子孫蕃衍四世
同居僉以爲積善之驗

吳文靜妻袁氏早寡道光十七年閩邑修節孝祠氏
捐伍拾金典田以供焚獻

貢生孫有訓繼妻宋氏寡居置田貳坵出穀伍拾餘
石作三江渡費

續輯善行

唐賡虞樂善好施建白巖平橋兄際虞重爲債累代爲償之初無間言

吳啟賢庠生家貧樂善有饑者至門曰已三日無食矣時賢僅存米一升分半與之妻曰一家八口分去奈何賢曰生死有命留米半升不過多活一日耳次日縣主譚闢書至聘禮六金賢曰苟活矣此忍饑之報也

黃開和監生爲人好施濟曾於打鴨河修繼志橋一日出見露下體者脫小衣衣之至家妻初疑後驗實

乃皆嘆服

唐國柱志運四世孫家貧教讀不倦性尤好善近宅
古墓輒保護之友有爲債累者嘗爲之設法以償
絕無德色

張朝魁國學生性厚重孝友好周濟人有急恒應之
修橋修路修石井善事可觀居恒義利分明多忍
讓能吃虧誠僕待人不欺貧賤常聞教子侄云我
常恐人背地裡罵及我父母斯言足驗爲人治家
有法內外嚴肅弟早喪撫侄如子故兩房一室四
代一堂數十人雍睦無間雖避難廿餘年悉聚首

丁卯其子時杰捷己巳其侄時煦又捷翁喜曰吾
意足矣然汝等仗祖德宗功得僥倖亦念我樹先
生酒手亦酸乎其言如此其尊師概可見年七十餘
在省寓頃刻無疾而終臨終家人請示囑曰人多
不能一一吩咐總要記孝弟忠信禮義廉恥八字
云翁所在多有悉其爲人者僉稱爲忠厚老人

國學生馬空羣鄉進士馬世麟翁也爲人忠厚樸訥
無刻薄之行與之往來未嘗見疾聲惡色篤厚親
族和睦鄉鄰延師訓子能盡其禮地方好事亦樂
助之真所謂古道照人者今嗣君顯達人咸以爲

忠厚之報云

國學生蔣發森亂時渠祖父在凱招練守城有功平靖後森回捐田叁千挑入學校庚辰凱被火燒延燒二百餘家森捐米數十石賑濟之段邑侯旌以樂善好施遍額

國學生唐黜枝乙卯苗叛渠一家招練數百名守凱城屢立功城失合家多殉難忠節凜然亂定後竹枝等回捐田貳千挑入學校

文庠孫繩武號紹堂孝廉孫谷山翁也家貧歲常訓蒙爲人謙遜端方未嘗聞與物有忤與世有爭真

所謂口無惡言身無惡行者平日好勸人爲善每
談因果以爲勸戒金募刻醒閨篇以散人到親友家
高聲誦之令婦女聽焉其亦一鄉之善士歟

處士劉熹昌忠直樂善會施棺木平日義利分明有
代收帳而錯入者熹昌即便還之常結伴生理途
被搶劫報後汪邑侯照數賠銀熹昌概讓與衆長
子本仁亦好善常施故衣藥餌藥書等件可謂克

繼父志者

文庠王德昭會刷善書四千餘部散人

尹顧氏自修石橋三洞費銀千餘兩

文學

明

周綱邑人能文章工吟咏自號南坡學者稱爲南坡先生

王德潤字明遠明經工詩文著有明遠集補葺縣志鄉飲舉亞賓

國朝

李本字子申家貧力學受業於縣尹聞得劉公苦探力索遂成一家時知名士如楊公培李公楚皆出其門

孫錄字子長性質樸嗜學中乾隆丙子鄉試庚辰進士授刑部主事轉禮部郎中告歸詩文自娛凡族戚子姪來學者不言脩脯多所成就年雖耄猶口不絕吟手不停披著有龍巖草清平志稿

續明經孫澤建文恭公之族也品行端方博通經史詩詞歌賦均雋矣太史劉芾林亦佩服家貧教讀其徒如麻哈之鄧友彰等俱一時知名士年七十餘猶手不釋卷常曰吾老矣康熙字典強半遺忘云云其力學可知作文朴茂渾堅自成一家惟性情高古寡交孤芳自賞此所以終於明經歟

嘗勞睨慎交遊惟與楊公培爲友爲文力追前輩
出其門皆知各士清邑文風爲之一變前令張公
南英越中名士也一見公文決其必售是科果聯
捷成進士授湖南安鄉令著作甚富公居官行已
步趨古人不肯苟說於人涖任八年卒於官

孫炳字王理歲貢生任開州訓導訓士一本忠孝尋
乞歸沖淡恬雅尋樂林泉卒年九十有五

唐際盛丹江人貌雄傑由營伍屢立戰功仕至巴里
坤總戎原名興盛嘉慶十年因征滇省維西功陞

見奉

諭旨改今名蓋異數也嗣回籍移居凱里城時母年七十
餘色養如童釋退休廿餘歲每朔望北向嵩祝忠
愛之誠至老彌篤

仕蹟

補遺

張漢宏治間中雲南鄉試舉人授四川中江令邑俗
婦女入廟燒香有寺僧聚眾宜淫潛置窟室每建
醮誘諸婦女匿其中適士人妻亦被誘匿訟之官
漢廉得狀焚寺及僧寺產悉充公闔邑稱快

增補

劉蔭棠字芾林聰穎擴達家貧力學以課讀爲生涯

嘉慶丙子舉於鄉庚辰成進士選庶常尋改河南
祥符縣公正嚴明時有劉青天之號後遷光州牧
嗣退休倡修學宮書院考棚勸設義倉商引井泉
後人皆利賴焉著有亦囂囂草堂詩集

行伍

明無考

國朝

熊玉昇

丹江把總

侯世德

凱里千總

王時召

把總

王國彥

爐山外委

李抱德

丹江外委

文映斗

翁蕩外委

杜松年

凱里把總

趙宗昌

凱里千總

趙承所

貴州普安營都司

李

凱里營千總

毛文雄

楊名輔

丹江營千總

余如璵

丹江營千總

甘文學

提標千總

李德芳 清平把總

李萬春 安籠千總

顧煥章 凱里外委

蔡文魁 提標把總

任芳泰 威寧守備

劉 鎔 福建潭州遊擊

胡登綬 凱里把總

王良輔 陝西平涼遊擊

耳聶啟貴 鎮遠把總

王時維 四川維州協都司

任發魁 恩州外委

張德芳 丹江千總

涪 成 黎平守備

楊金鰲 丹江千總

胡宗浩 凱里外委

蔣天成 儘先都司

毛之儀 丹江把總

左繼明 丹江把總

玉正清 千總 八寨

隱逸

明

陳楷隱居不仕博學授徒多所成就

王銓篤學勵行幽居養母以孝聞

李大縉苦志力學蘊籍甚富以不偶於時隱居授徒
終其身

王楨性恬雅少攻舉業中年爲林泉之樂田廬無多
悉讓弟姪日爲詩酒自娛咏雪詩云片雪大如掌
寒威最逼人枯柴然活火誰道老夫貧其襟懷可
想見矣

孫逢昇字梯雲素多幹略崇正末黃平藍賊叛集鄉
勇守城有功賞給貢職後隱居葛洞山莊築琴壑
臺又築双臺廣植名花異卉豪吟徹夜以此自終

國朝

段尙錦字成章屢舉不售精岐黃酌脉斷病如神時
居孔道途有病者輒醫之過困乏並資助旅費

李梅字子和邑明經工書得右軍筆意日以文墨自
娛足跡不輕履城市獎勵後進惟恐不及雖貧居
屢空曼如也

段之彩明經隱居教授不樂仕進著有清平志稿

任必達字斐然工書有學識初參幕務嗣杜門不出
年八十猶操觚不輟著有清平縣志稿四卷

張宏仁字任重精律令嘗客永昌劉某幕劉素不謹
公力諫不納拂袖歸不半載而劉之禍作杜門謝
客日惟黃庭一卷木魚數聲而已年八十以壽終

孫茂藻字雲洲明經工詩文屢舉不售晚年隱居山
莊守庚申絕葷酒以詩自娛咸豐乙卯苗變避居
清鎮自偕各公倡和年七十餘終

